



Na osnovu člana 8. Statuta Federalnog zavoda za zapošljavanje, a u skladu s odredbama Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), u vezi s Odlukom o prestanku stanja nesreće uzrokovane pojavom koronavirusa (COVID – 19) na području Federacije BiH V. broj: 701/2020 od 29.5.2020. godine, Upravni odbor Federalnog zavoda za zapošljavanje na sjednici održanoj dana 12.6.2020. godine, donio je

## **ODLUKU**

### **o nastavku realizacije Programa sufinansiranja zapošljavanja 2020**

#### **I**

Odobrava se nastavak realizacije Programa sufinansiranja zapošljavanja 2020 (u daljnjem tekstu: Program) usvojenog Odlukom Upravnog odbora Federalnog zavoda za zapošljavanje br. 01/1-45-792/20 od 18.02.2020. godine te izmijenjenog Odlukama br. 01/1-45-792-1/20 od 03.04.2020. godine i br. 01/1-45-792-2/20 od 04.05.2020. godine.

#### **II**

Nastavak realizacije Programa iz točke I ove odluke se odnosi na sve one poslodavce kojima je prijava na javni poziv za sudjelovanje u Programu, raspisan 28.02.2020. godine, uspješno provjerena, odnosno na kvalificirane poslodavce sa statusom prijave odobrena, kao i na one poslodavce kojima je sukladno Odlukama Upravnog odbora Federalnog zavoda za zapošljavanje br. 01/1-45-792-1/20 od 03.04.2020. godine i br. 01/1-45-792-2/20 od 04.05.2020. godine bilo omogućeno zaključivanje ugovora o sufinansiranju zapošljavanja, ali nisu pristupili zaključenju istih.

#### **III**

Poslodavcima iz točke II ove odluke koji ispunjavaju uvjete Programa omogućuje se pristupanje proceduri zaključivanja ugovora o sufinansiranju zapošljavanja.

#### **IV**

Obaveza Zavoda za isplatu ugovorenog iznosa sredstava za sufinansirane osobe po zaključenom ugovoru o sufinansiranju zapošljavanja miruje u periodu subvencioniranja doprinosa iz sredstava Proračuna Federacije BiH sukladno Zakonu o ublažavanju negativnih ekonomskih posljedica („Službene novine Federacije BiH“, broj 28/20) pod uvjetom da se za iste osobe subvencioniraju doprinosi iz sredstava Proračuna Federacije BiH.

#### **V**

Isplata ugovorenog iznosa sredstava iz točke IV ove odluke će se nastaviti po prestanku subvencioniranja doprinosa iz sredstava Proračuna Federacije BiH.

#### **VI**

Sve obveze poslodavaca iz točke II ove odluke kao i rokovi za izvršenje istih, koji su preduvjet za zaključenje ugovora o sufinansiranju zapošljavanja, su već određeni Programom i počinju teći od dana obavještanja poslodavaca o nastavku realizacije Programa.

## VII

Kantonalne/županijske službe za zapošljavanje (u daljnjem tekstu: Službe) će sve poslodavce iz točke II ove odluke, bez odlaganja, a najkasnije u roku od 3 dana od dana stupanja na snagu ove odluke, putem e-maila, obavijestiti o nastavku realizacije Programa.

## VIII

Službe su dužne voditi računa o obvezama i rokovima iz točke VI ove odluke.

## IX

Za izvršenje ove odluke zadužuju se Sektor za aktivnu politiku zapošljavanja i Sektor za financije, svako iz domena svojih nadležnosti.

## X

Federalni zavod za zapošljavanje će sadržaj ove odluke, bez odlaganja, učiniti dostupnim poslodavcima i Službama putem svog web portala.

## XI

Ova Odluka čini sastavni dio Programa sufinansiranja zapošljavanja 2020 usvojenog Odlukom Upravnog odbora Federalnog zavoda za zapošljavanje br. 01/1-45-792/20 od 18.02.2020. godine te izmijenjenog Odlukama br. 01/1-45-792-1/20 od 03.04.2020. godine i br. 01/1-45-792-2/20 od 04.05.2020. godine.

## XII

Ova odluka stupa na snagu danom donošenja.

### ***O b r a z l o ž e n j e***

Vlada Federacije BiH je dana 29.05.2020. godine donijela Odluku o prestanku stanja nesreće uzrokovane pojavom koronavirusa (COVID – 19) na području Federacije BiH V. broj: 701/2020 od 29.5.2020. godine. Slijedom navedenog, ali i zbog kontinuiranog i značajno povećanog interesa poslodavaca za zapošljavanje nezaposlenih osoba, a u vezi sa stavom 2. točke II Odluke Upravnog odbora Federalnog zavoda za zapošljavanje br. 01/1-45-792-1/20 od 03.04.2020. godine kojim je utvrđeno da će se postupak po Programu nastaviti nakon prestanka vanrednih okolnosti, odnosno stanja nesreće kad i ako se utvrdi da su osigurana novčana sredstva za ostvarivanje materijalne i socijalne sigurnosti nezaposlenih osoba, odlučeno je kao u dispozitivu.

**PREDSJEDNIK UPRAVNOG ODBORA**

**Zlatko Hadžimerović**



Broj: 01/1-45-6053/20  
Datum: 12.6.2020. godine